


北京古籍叢書



〔清〕周家楣 繆荃孫 等編纂

光緒順天府志

(三)



北 京 古 籍 叢 書

〔清〕周家楣 繆荃孫 等編纂

光緒順天府志
(三)

北京古籍出版社

河渠志一

光緒順天府志三十六

水道一

德清傅雲龍纂 江陰繆荃孫覆輯

畿輔五大河，南運河外，逕順天府境者凡四：一、永定，一、北運，一、清，一、子牙。它水分合不下五百餘水，今以大水包小水綱曰過，目曰逕；小水入大水曰注；大水合小水曰受；粵來曰從；同流曰合；分流曰出；水穿山亦曰出；水有所止曰至；桑經鄺注例也。兩水敵曰會；小注大曰入；因水入水曰達；正絕流曰亂；順流而下曰沿；此則禹貢通例。凡水先源，次詳逕境分合里數，出界則舉厥歸宿，又次敍故道，若埒考，若集證，悉入夾注。水以今爲主互受之通稱，隨地之易目，弗敢遺漏，懼淆舛也。故道則從其時之名。清河、子牙無專書，北運河明有吳仲秦金之通惠河志均未見，惟永定有志，載案牘較詳，續志以圖勝，蓋招錫恩用測量法繪也。今以光緒九年爲斷。

永定河

永定河舊名盧溝，上流曰桑乾。

盧溝河之源三：一、桑乾泉即涿涑水亦曰繩水，發源靜樂漢汾陽境管涔山天池，亦謂之祁連

池。洑流百有二十里，七泉涌併。一、洪濤泉灤水也，亦曰治水，今謂之黃道泉。水經

灤水注，所謂出累頭山者是。一、灰河，灰一作恢，出管涔山之分水嶺，水經灤水注，

所謂馬邑川，俗謂磨川者是。三源之水會於故馬邑縣西南，過此通目桑乾河。通鑑南桑

乾水云者，蓋誤讀隋禮志，顧祖禹方輿紀要尚沿其誤。黃水河注之，有小黃河目。渾源

川注之，又有渾河目。凡此皆互受兼名，於本源無與。桑乾東逕順聖廢縣曰順聖川，又

會洋河曰燕尾河，又逕縉山下曰縉山河，是皆隨地易名。又曰清泉河。其曰盧溝者，以

逕盧師臺故也。盧之言黑，故又名黑水河。或曰盧菰河聲之變轉，或曰逕宛平蒹蘆溝故

名蘆溝。水徙靡定，又謂之無定河。康熙三十七年，賜名永定。按：隋禮志：大業七年征遼東，煬帝遣諸將於薊城南桑乾

河築社。稷二壇，設方壇，行宜社禮。而通鑑云：大業八年春正月，四方兵皆集涿郡，宜社於南桑乾水上。胡三省注云：薊城南桑乾，即今盧溝橋下之水，胡注不誤，然未知通鑑所云南桑乾水係誤讀隋禮志，以南字屬下然也。方輿紀要遂云：桑乾水亦謂之南桑乾水。此不可据。山西通志：黃水河發源雁門關之東，廣武之西，流出三泉口，至

山陰縣朱家莊，入於桑乾。孫國牧燕都游覽志：桑乾下流爲渾河，渾河下流爲盧溝河，以其濁故呼渾河，以其黑故呼盧溝河。按一統志云：永定又名清泉河，蓋本水經注灤水自南出山謂之清泉河而言也。盧師臺詳下。周輝北轅錄：盧溝亦謂黑水河。范成大石湖集：盧溝河去燕山三十五里，宋敏求謂之盧菰河，即桑乾河。陳全之篷窗日錄：京師朱

雀水爲盧溝河。顧炎武天下郡國利病書卷二，北直一：桑乾、渾水合爲一河，逾山而東，別名清泉河。其稱盧溝者，以至宛平縣境從葫蘆溝東南入潞，故爾。按：今水經盧作蘆，唐詩無定河即此。陳儀直隸河渠志：盧溝河前人謂之無

定河。綱目三編：桑乾河入宛平縣界，爲永定河。一統志：康熙三十七年賜名永定河。傳雲龍永定河上流考：桑乾

水隨地異名，互受通稱，然厥源有三：一曰桑乾泉。酈道元灤水注：陰館縣西北上平，洪源七輪，謂之桑乾泉，即涿涑

水者也。其水潛承太原汾陽縣，北通燕京山之大池。池在高原之上，世謂之天池。相傳有人乘車池側，忽遇大風，飄之於水。人獲其輪於桑乾泉，知二水潛流通注矣。漢汾陽今靜樂縣境，隋開皇三年移置崑崙，十八年更名汾源，汾水出管涔，見鄺注，汾源之名以此。是桑乾與汾水異流同源，而桑乾獨狀。大業四年，改汾源曰靜樂。唐屬嵐州，又置天池縣。李吉甫元和郡縣志：嵐州靜樂縣天池，在縣北燕京山上，周回八里。魏孝文帝以金珠穿魚七頭放此池，後於桑乾泉得之。據知鄺注獲輪之不誣。太平寰宇記：代州雁門縣下，引水經注，潛通燕京山之天池。趙一清注釋本，據補通字，是也。據改大池為天池，則下文何又言世謂之天池耶？方輿紀要：燕京山即管涔山，大池在管涔山北原上，即汾水之源，北人謂天為祁連，亦謂之祁連池，潛通桑乾。此謂大池為天池之確左。池東隔阜一石池，曰元龍池，津脈潛通，伏流百二十里，至故馬邑縣雷山之陽，七泉湧出。曰上源，曰玉泉，曰三泉，池東隔阜一石池，曰元龍池，曰小蘆，曰小蒲，合為一流，是為桑乾河。一統志：司馬泊即司馬洪濤也。七泉並承天池沃流。永定河李志專言金龍池，非也。山海經，北山經：天池之山，繩水出焉，潛於其下。據知桑乾水源有繩水目。一日洪濤泉。鄺注所謂灤水出累頭山，一日治水，東北流出山，逕陰館縣故城西者即此。洪濤山以泉名，俗名神頭山。方輿紀要云：洪濤山一名累頭山，然則神頭其累頭之譌與？永定河李志：洪濤泉亦謂之黃道泉是也。然云出馬邑縣西北十里，則非。按一統志，縣西北十里為金龍池，而黃道泉則在縣西八里，蓋其水南流逕故馬邑縣西，而桑乾河七泉涌併自西來會之。鄺注所謂灤水東北流，左會桑乾水者，此也。一日灰河。一統志：灰河入桑乾河，即古馬邑川。水經灤水注：馬邑川水出馬邑西川，俗謂之磨川矣。其水東逕馬邑縣故城南。永定河李志：灰一作灰，出管涔山之分水嶺北麓。今攷其水東流，逕甯武府南折，北逕陽方口，又東流，逕朔州南，又東流，逕故邑縣西南，桑乾、洪濤兩泉曲折由西北會之。鄺注所謂桑乾自源東南流，右會馬邑川水者，此也。灰河在桑乾之右，洪濤在桑乾之左，今古無異，如指掌矣。安瀾志謂洪濤山下七泉，統名洪濤，誤也。元史河防志云：桑乾河出大同桑乾山。古無桑乾山名。安瀾志又以洪濤山當之，非也。日出，言其源也。未會以前，桑乾之源則曰灤水，出管涔山之。會流而後，通謂之桑乾河。其水東流，逕三家店北，馬跑泉西北來入之。又東北逕西河底，雁門關水自西南來入之。又東北流，鄺河西北來注之。鄺河者，崞川水也。鄺注所謂淳川水南出崞山縣北，逕劇陽縣東注於灤水者此也。又東流，泥河自泥河鄺西北來入之。又東流，逕陽河堡東南，尾河西北來入之。又東逕安營子南，羅家莊北，又東南逕新莊子南，又東北逕山陰縣北，黃花岡南，黃花岡即鄺注黃瓜阜也。新莊子河出大干口，自西入之。又東逕應州北，黃水河南來注之。五代志：黃水河在山陰縣城西，出龍灣峪口，東北流至應州西北八里莊注桑乾水，而元河渠志因以盧溝為小黃河，明一葵遂有黃河淤流之說，非也。又東流，白泥河自榆林峪東北流入之。又東逕威家寨，又東營邨，木瓜河西南來入之。又東折北，逕曹孃子堡，又北入，逕賈家寨，磨道河自西北來入之。又東逕懷仁縣城西南，清水河西北來入之。又東逕應州北八里莊河，逕屯兒郎東北南流入之。又東南逕西安堡東南源川，合亂嶺關、磁窯峽、李峪、凌雲口、遼望峪、神溪、乳泉、唐泉八水，逕邊耀山北注之。桑乾之兼渾河目，以此。潞水客譚謂桑乾水發源於渾源州，行水金鑑謂渾水源出桑乾山下，水部備考謂盧溝河發為渾泉，流而為桑乾，類皆以流概源，誤也。又東逕鄭家莊，入大同縣界，大石峪水合小石峪水，西北來注之，金龍山水鎮子海，聖水泉入焉。又東逕大同

東南高家店，如渾水挾諸開澤，靈泉，得勝河、八墩口水，十里河諸水，會武周川，東南流，注之滄頭河，南大河、免毛河、廖家河、新莊河、石窟寒泉、水磨河諸水入焉。又東逕魏城驛古定橋北，明嘉靖時御史宋儀望請疏桑乾河，通宣大糧餉，所稱古定橋即此。又東逕聚落山南，有堡，明天順三年築，今王官屯近之。又東逕于家寨下邨。又東北逕西冊田北，而貴仁堡，而西堰頭，而梁家馬營，入陽高縣界，漢爲白登臺地，北魏置高柳郡。又東逕蟠羊山，黃土梁南。又東逕西馬營入天鎮縣界，又東逕蘆子屯、北嘴兒頭，南石門溝水合五泉河注之。又東逕六稜山北。又東入直隸西甯縣，與蔚州分界。又東逕西甯縣南，柳園泉，一突泉合滸河西北來人之。西甯，即漢陽原也。又逕揣磨，又東逕蔚州北陰子溝南。又東北逕太白嘴北。又東逕馬房，又東北逕東城堡南。又東流，逕順聖廢縣，又名順聖川。又東南至小渡口邨，壺流河即祁夷水，合廣靈縣之沙泉，瑞泉，百家泉、灑雨泉、枕頭泉，集與噶池，作噶池，蔚州之唐山泉、滋泉、煖泉、乾沙河、金河、飛狐關水、飲馬泉、靈泉、七里河、金波泉、海子泉、橫澗泉、太平河、會子河、蓮花池、扶桑泉諸水西南來注之。又東北逕大渡口南。又東入宣化縣界。又東南逕馬家灣東。又東逕筆架山人保安州西南界。又東逕南北兩孤山間。又東逕溫泉屯。又東逕保安州城南。又東南逕河南堡。又東逕新甯堡。又東南逕焦家營南。又東逕包家營南。又東北逕虎頭山北雞鳴驛，南洋河自西北來會之，曰燕尾河。又東北逕新安驛東南，八寶山水注之。又東逕蘇家營南。又東北逕西水泉邨，西水泉注之。又東流逕沙城堡南，東水泉北來注之，老君山在其南。又東逕河神祠北。又東北逕豬窩源北，磐山水自西北來入之。又南流鎔山下，曰鎔山河。又東南逕豬窩堡北，望聖山水西南來注之。又東南逕水門北，媽河承長安嶺乾沙河南流，合溪河、神仙溪、河周四溝堡乾河、乾石堡河、閔河、沽河、小漳乾河、桑園屯乾河、佛峪口水、黑龍河、大柳河、板橋河注之，曰合河口。媽河者，水經清奇水，亦謂之滄河者是，俗曰媽河，蓋因唐移媽州來治而媽也。明地理志：俗名清水河。又南逕後半坡邨東，小清河西南來注之。又東南逕水峪溝北，人宛平縣界。雲龍澤水考：澤水非澤水，亦非澤水，文譌誼舛，厥水滋潤。水經澤水注：俗本澤譌濕，引者多沿厥譌。許用寶石經山碑云：山又稱濕，經亦誤以爲濕水，所經而名。魏書：道武帝西幸馬邑，觀澤原。桂氏說文解字義證引此文以證澤水。通鑑晉愍紀：建興元年，代公又作新平城於澤水之陽。胡注又從而爲之說曰：新平城不在此澤水之陽，蓋出於馬邑而東北，流逕平城之南，意道元所謂澤水，即澤水也。集韻：澤，澤同。注，水出雁門。水道提綱：桑乾河古曰治水，亦曰濕水，亦曰澤水，類此，皆不知澤與濕、濕難可強通者也。說文：濕水出東郡東，武陽入海。从水，濕聲。桑欽云：出平原高唐。又曰部，高唐濕水出，水經河水注故瀆又東北入東武陽縣東入河，又有澤水出焉。桑欽言澤水所經，續漢郡志武陽濕水出濟澤之澤，本作濕，濕，濕古今字，隸書改曰省系作澤，于是累、累、濕、濕，古多通假。左哀二十三年傳：杜注：犂澤，澤也。釋文作濕也。云本又作澤。漢書王子侯表：濕成侯忠。史記作澤。後漢襄陽傳：平原隰陰人。注云：隰陰在隰水之南。北魏鄭義碑作澤，建成鄉侯劉靖碑作澤，武德于府君義橋碑作澤，皆隸之變體。荀子不苟篇：弃而攷說文，澤水又西南流，澤水注之，水出右北平俊靡縣。然則以澤水與澤水爲同出雁門，是丁度之疏也。又攷說文，

灤水出雁門陰館桑頭山，東入海，从水疊聲，一日治水也，與水經灤水出雁門陰館縣，酈注出於累頭山。一日治水，並合殿本、戴本、趙本，均據以正灤之非濕，是也。濕、溫形近，後漢書王霸傳所謂溫水者，當是誤灤爲濕，又誤濕爲溫。注引水經注溫餘水，即水經注灤餘水。治，台通用。治水，漢五子傳云台水；燕刺王傳亦云台水；晉灼曰：地理志，台水在雁門，漢地理志：代郡且如下，于延水，東至廣甯入治。平舒下，祁夷水，北至桑乾入治，小顏：治並鵠沽。

東南過順天宛平縣西。

其水從懷來縣之豬窩口、竇家營，入宛平縣境，在縣治西北二百餘里。東南流逕安家灘東北，一名安家漩，又十里逕沿河口東北，都司以下官駐此。石港口在其西，初爲巡檢治，後移青白石。按方輿紀要云：沿河口在懷來縣百九十里，東南達宛平縣之王平口九十里。蔣一葵渾河記云：從保安舊城過沿河口通石港口。今考沿河口在安家漩東北十里許，爲宛平縣境。又五里逕向陽口南。又五里逕馬家套西。又屈曲流二十餘里，逕楊樹底北。又十餘里逕傅家臺西，清水河西南來注之。

水出京城西一百三十里宛平境，東北流八里，逕杜家莊東，又七里逕上清水邨東，又三里逕下清水邨東，又四里逕高窩鋪西，又六里逕西齋堂倉東、青龍澗南，又三里逕東齋堂北，又東一里逕平羅營南，把總駐此；又四里逕西護林北，又東北里許逕東護林北，又里餘逕軍上南，又半里逕軍下南，又十里逕青白石北石港司，巡檢駐此。又東注永定河。

永定河又東南流十里，逕太子木南，又屈北折東南流七里逕芹峪，又東二里餘逕下馬嶺

南，又東南折，向東北七里，逕雁翅南，又東二里逕河南臺北，又東南流五里，逕安家莊西，又屈東北流五里，逕妙峯山南，在山西許。又一里逕三叉澗邨南，又東折西南流二里餘，清水澗西南來注之。

水出千軍臺南叢山中，在京城西九十里，黑龍潭北十里。東北流六里逕千軍臺北，又里餘逕莊窠北，又五里逕板橋北，又四里逕窄石臺北，又十里逕東西桃園北，又三里逕桃園倉北，又三里注永定河。

永定河又東南三里，逕王平邨北，又東北流三里逕色樹墳北，又東南流三里逕石空眼北，又東北流三里逕韭園北，又東南三里逕橋兒澗北，又三里餘逕牛角嶺北，又二里逕水峪邨北，又半里逕冷各莊南，又半里逕棗林邨北，又東二里餘逕陳各莊南，又東南四里逕龍泉務東，又逕盧師山西，自是水名盧溝。宋史宋琪傳所謂盧師禪祠是桑乾出山之口，卽此。兩唐書師作思，今寺曰清涼。唐書韋挺傳：貞觀十九年，將有事遼東，運糧，挺至幽州，漕渠壅塞，遂下米臺側。韋懷質奏，挺至盧思臺，方知渠門。

新唐書：自桑乾水抵盧思臺，行八百里。宋史宋琪傳：端拱二年，將討幽薊。疏言：從安祖砦西北有盧師禪祠，是桑乾出山之口，東及幽州四十餘里。趙德鈞作鎮時，欲遏西衝，曾鑿此水，河次半有崖岸，不可輕渡。方輿紀要：香山之東，接平坡山，其並峙者盧覺山、盧師山。孫承澤春明夢餘錄：翠微山寺，舊平坡寺也。顧炎武北平古今記：今京城西三十里盧師山，相傳爲隋沙門盧師馴青龍處。以唐書考之，當卽盧思臺，師乃思之誤。其水又

東南流二里逕三家店西琉璃局東，分爲二，並東南流，八里餘，逕五里坨，西把總駐焉，水至此復合。又一里餘逕麻峪西大峪東，又一里逕北辛安西，又半里

逕小園邨東，又二里餘逕瓦窰邨西、新城邨東，又里餘逕北金溝、南金溝西，

又逕石景山西，山亦名石徑。

周夢暘水部備考：盧溝河在京城西四十里石徑山之東。一統志：石徑山在宛平縣西三十七里，上爲金閣寺，亦名石景山。

水自

入境至此，東南屈曲，流西山間一百五十餘里，諸山泉注之。

吳道南集：桑乾河過懷來，行兩山間。潘自叔紀纂淵海：西山在

順天府西三十里。畿輔安瀾志：西山自沿河口以南屬宛平縣界，重岡疊嶺，名稱既繁，桑乾水貫其中者幾二百里，所注之泉不一，束於兩山，別無他道。方輿紀要：分水嶺府西四十五里，山澗諸水至此分而爲二，一入盧溝河，一

入房山縣界。東岸河隄始石景山西，是爲第一號。

已上據畿輔圖說、採訪冊、參縣志。已下參朱其詔永定河續志、招錫恩測量法圖。其圖用工部尺丈量，縮爲四萬五千分

之一，以一分當四十五丈，四分當一里，每里一百八十丈，工汛每號大約一里。

又東南流三里，逕龐邨西，其四號也。又五里逕夏家莊

西，其九號也。又十一里逕拱極城西，在宛平縣治西三十里有奇，明崇禎間築，曰拱

北城，國朝更名，游擊以下官駐此。其西則西路廳同知、司獄及宛平巡檢治焉。

破夢間譚

議者謂畿輔咽喉宜設兵防守，又須築城衛兵，於是當橋之北規里許爲斗城，名拱北。一統志：拱極城在宛平縣西四十里，盧溝橋東，明崇禎間築，名拱北。本朝更名拱極。按：拱極城在水之東，橋之東北，在宛平治西三十里有奇。

自北金溝至盧溝橋之北雁翅，是爲二十號。之中凡十八里五分有奇。西岸一號始，此其

水自二十號中出盧溝橋下，逕盧溝司西。据招錫恩測量圖：水至此寬一百五十餘丈，又

東南流四里二分，逕二十四號，其西爲六號，水寬二百二十丈，又東南流，是爲東岸北

頭上汛一號。又九里，逕北天堂邨西，是爲東岸北頭上汛九號。又南二里逕稻田邨東，

是爲西岸十四號。自一號至此，凡十四里七分，接南頭上汛界，水寬一千一百丈有奇。

又二里，是爲南頭上汛二號，水寬五百四十丈，有灰壩減河出焉。又一里逕北公所西，

是爲北頭上汛十四號，南頭上汛三號。又一里是爲北頭上汛十五號。自一號至此，凡十有五里。接北頭中汛界，水寬六百丈有奇。又三里逕高嶺邨東，是爲南頭上汛七號，其東則北頭中汛三號也，水寬八百五十丈有奇。在胡家莊之西，又里許逕鷺房邨西，是爲北頭中汛四號。又五里逕閻仙岱東，是爲南頭上汛十三號，其東岸則北頭中汛九號也，水寬五百丈。又三里逕六合莊西，是爲北頭中汛十二號。又里許逕南莊西，是爲北頭中汛十四號，其西岸則南頭上汛十七號也。自一號至此，凡十七里，接南頭下汛一號界，水寬四百五十丈。又里許逕馬邨西，是爲北頭中汛十五號。自一號至此，凡十有五里，接北頭下汛界，水寬六百二十丈有奇。又西南流四里，逕夏場邨東，是爲南頭下汛六號，其東則北頭下汛四號，在馬房邨西。又四里逕公義莊東，是爲北頭下汛十號，南頭下汛十一號，出宛平界，水寬四百五十丈。

又南過良鄉縣金門閘，減河出焉。南過宛平縣、涿州，又東南過固安縣。

從宛平南流入良鄉縣東境，是爲北下汛十號，南下汛十二號。

按方輿紀要、盧溝河在良鄉縣東三十里。今亦無異。而畿輔輿圖

云：自宛平公議莊入縣西南境。方輿紀要又云：廣陽水經廣陽故城南流，與鹽溝水合注桑乾。今考廣陽河爲忙牛河，其注永定河處，不在良鄉縣境。而畿輔安瀾志云：逕良鄉縣東，廣陽鹽溝水入焉。亦誤。永定河李志云：南岸二二三號入良鄉界。今據朱其韶續志。

又南流，逕趙家營，卽趙莊。

在南下汛十三號之北。

又南二里逕任家營，

北岸東，是爲南頭下汛十四號。又南里許逕任家南場東，是爲南下汛十五號，接南二

汛一號界，其東禿尾隄，在北頭下汛十四號之北，曰北張邨，在北頭下汛十四號之南，

水寬四百九十丈有奇。又南三里，逕窩兒裏東，是爲南二汛三號，其東則爲北頭下汛十

六號，在南張邨北又里許，是爲北頭下汛十七號。自一號至此，凡十有七里，接北二上

汛界。又南里許，逕寶南邨西，亦曰寶安莊，在北二上汛一號之南，水寬三百一十丈有

奇。又南三里餘，逕南二汛九號，水寬一百八十丈有奇，金門閘減河出焉。詳下。又南流，

逕趙邨小渡口，爲北二上汛七號。至此，出良鄉界，入宛平西境。按：北汛在水之西，自此至北三汛十三號，皆宛平境。

其東爲南二汛二號，仍良鄉境也。又二里爲南二汛十四號，入涿州，東界陶家營，距治

四十五里，水寬二百二十丈有奇。按：永定河李志云：南至南岸二工十九號入涿州界。今依朱其詔續志。畿輔安瀾志：涿州本非渾河所經，自渾河南徙，奪琉璃、胡良、挾活

諸河而東南趨於玉帶河。據一統志云：永樂後改。今考明史河渠志：洪武十六年濬桑乾河，自固安至高家莊。則不始永樂朝矣。元史本紀：仁宗延祐元年六月，涿州范陽、房山二縣渾河溢，壞民田四百九十餘頃。則渾河之決涿州，并不自明始，大抵元時既廢金口河，渾河之流經高麗莊，下入通州白河者，漸已淤塞。迨明初，南出之流益盛，故洪武中遂濬治之。高家莊即新城之高橋窪，流爲高村河，亦即白溝河之支流也。琉璃、胡良、挾活諸河之水，既爲渾河所奪，益徙而西南，出自康熙三十七年開永定新河，是在宛平裏河邨西五里，又南二里，逕南二汛

以後，渾河之西南衝突者皆東北注，清濁乃分路矣。

十五號，本汛良鄉丞治此。又南三里，是爲北上二汛十三號。自一號至此，凡十有三

里，接北二下汛界。西爲南二汛十八號。自一號至此，凡十八里，接南三汛界，其地爲

南蔡邨，水寬四百丈有奇。又南四里，逕劉家邨西，是爲南三汛三號。又南流里許，爲

南三汛四號，水西之南汛，自此亦出涿州界，入宛平境，

按：永定河李志云：南岸三工五號入宛平界。今依朱其詔續志。水寬

四百五十丈。又南三里，是爲南三汛七號，涿州州判治此，水寬一百八十丈。又二里，是爲北下二汛十號。自一號至此，凡十里，接北三汛界，仍宛平境也。其西岸爲南三汛十號，出宛平界，入固安境，水寬二百六十丈。又東南二里，逕北莊爲南三汛十一號，有灰壩減河東南出，俗呼太平河者是。今淤，詳故道。其東岸逕求賢邨，一名求賢莊，是爲北三汛三號，灰壩減河東北出。詳下。又東南五里，逕西玉莊東西玉，一日許余，是爲南三汛十八號。又二里，逕胡林邨西，是爲北三汛十一號。又二里，是爲南三汛二十號。自一號至此，凡二十里，接南四汛界。其北爲三汛十三號，水之在宛平境盡此，寬四百五十丈。畿輔安瀾志：宛平縣境南北工汛，沿河邨莊：大嶺，四里；高店，二里；南讀易，三里；北讀易，四里；長新店，六里；玉米店，五里；茨頭邨，七里；趙新店，八里；北岡窪，十里；稻田，二里；董家庵，八里；高嶺，近隄；軍流莊，五里；牛家場，五里；保合莊，四里；朱家岡，二里；閻仙堡，二里；葫蘆堡，二里；夏場邨，一里；佛家邨，二里；滿洲邨，四里；公義邨，一里；玉皇廟附隄坎壇，三里；胡家莊，一里；狼堡，四里；立堡，近隄；盧邨，八里；鶯房，近隄；後辛莊，五里；前辛莊，五里；宋家莊，十里；大付邨，九里；周家莊，二里；羅琦營，十里；新立莊，八里；北臧邨，十里；大減村，九里；小減邨，九里；桑堡，一里；馬房，一里；大營，近隄；王家莊，二里；宋家莊，一里；皮各莊，七里；前官營，一里；留民屯，四里；梁家務，十里；定福莊，八里；趙邨，一里；曹各邨，四里；常各莊，九里；石堡，三里；里河，五里；流石莊，七里；麻各莊，近隄；東麻各莊，三里；西麻各莊，半里；太平莊，四里；小煉莊，三里；魏各莊，六里；小北莊，五里；黃各莊，四里；長安城，二里；煉莊，四里；新莊，附隄，求賢邨，三里；西胡林，一里；東胡林，三里；榆堡，三里；太子務，九里；倉谷莊，九里。按：趙邨店在長新店南河隄西八里。安瀾志：邨譌新公義邨，今作裏。北汛至此，亦入固安縣界。自此可稱南北者，水流向東居多也。水南爲南四汛一號，本汛固安丞治此。又東四里，是爲南四汛五號，公所在焉。又一里，是爲北三汛十六號。自一號至此，凡十有六里，接北四上汛界，水寬四百九十丈有奇。又

里許，是爲北四上汛，涿州同治此，其治固安境者，蓋北四上汛官也。又二里餘，逕小鳳窩北，在南四汛九號之東南，水寬三百一十丈有奇。又里許，逕馬家屯南，是爲北四上汛五號。又三里，逕大鳳窩北，在南四汛十三號之南，水寬五百四十丈。又里許，逕曹家莊南，是爲北四上汛九號。又里許，逕竇家莊北，是爲南四汛十五號，其北則四上汛十號也。又二里，逕習莊北，爲南四汛十七號，水寬四百丈有奇。又里許，逕瓦地邨南，爲北四上汛十三號。又二里，爲北四上汛十五號。自一號至此，凡十五里，接北四下汛界，水寬四百五十丈。又里許，逕丁莊北，是爲南四汛二十一號。又三里，逕河津北，爲南四汛二十四號，水寬五百八十丈有奇。又三里，逕爲南四汛二十八號。自一號至此，凡二十七里七分，接南五汛界。又里許，逕良各莊南，是爲北四下汛八號，其南則五汛一號也，在辛務莊之西北。又里許，逕太平莊北，爲南五汛二號。又里許，爲南五汛三號，其北則北四下汛十號也，水寬五百丈，兩岸並出固安縣，東界水之逕境凡三十八里有奇。

又東南，過永清縣。

從固安入永清西北境，是爲南五汛三號，其北則北四下汛十號也。又里許，逕眼照邨南，是爲北四下汛十一號。又里許，逕孫家務北，爲南五汛五號。又一里，逕習莊子

南，爲北四下汛十三號。又二里，爲北四下汛十五號，本汛固安丞治此，水寬二百二十丈有奇。又二里，爲北四下汛十七號。自一號至此，凡十六里九分，接北五汛界。又一里，逕北戈奕南，是爲北五汛一號，水寬三百丈。又里許，逕孟家莊北，爲南五汛十七號。又三里，逕曹家務北，爲南五汛十四號，本汛永清丞治此，水寬四百五十丈有奇。又里許，逕泥安莊南，爲北五汛七號。又二里餘，逕何麻子邨南，在北五汛九號之南。又里許，是爲北五汛十號，本汛永清丞治此，水寬三百六十丈。又東南流里許，逕郭家務北，爲南五汛十八號。又里許，逕盧莊子南，爲北五汛十二號，水寬二百二十五丈。又里餘，逕小梁邨北，爲南五汛二十號，水寬三百六十丈。又一里，逕前盧莊子南，爲北五汛十四號。又一里，逕張家莊南，爲北五汛十五號，水寬二百七十丈有奇。又里餘，逕一箇腰北，爲南五汛二十三號。又里許，逕尚莊子北，爲南五汛二十四號。自一號至此，凡二十四里六分，接南六汛界。其北則五汛十六號也。自一號至此，凡十六里四分，接六汛界，水寬二百六十丈有奇。又一里，逕董家務南，是爲北六汛二號。又二里，逕夏家務北，爲南六汛三號，水寬三百一十丈。又二里，逕小京華南，爲北六汛六號。又里餘，逕三間房北，爲南六汛六號，水寬一百八十丈。又一里，逕李黃莊，爲南六汛七號。又二里，逕半截河邨南，爲北六汛十號，本汛霸州州判治此。又三里，逕雙

營北，爲南六汛十二號，本汛霸州州判治此。其北則六汛十三號也，在趙百戶營西，水寬二百七十丈。又二里餘，逕賀堯營西，爲北六汛十五號，水寬一百八十丈有奇。又三里，爲十八號。自一號至此，凡十六里三分，接七汛界。按：北七汛四十六號，凡四十六里。一號至十八號，永清境；下至四十號，東安境；以下武清境。其南亦爲六汛十八號，水寬二百一十丈。又四里，是爲南六汛二十二號。自一號至此，凡二十二里，接七汛界，水寬二百二十丈有奇。此後以南汛爲主，其水淤衍散漫。又里餘，逕南柳坨東，在南七汛二號南。又五里，逕崔家鋪，是爲七號。又六里，逕辛安莊東，是爲十三號。又里許，逕西埽東，是爲十四號。又二里，是爲十六號，本汛東安主簿治此。永定河續志招圖列之十七號，誤也。又里許，逕趙家樓之東北，是爲十七號。又二里，逕閘口東北，是爲十九號。又二里，是爲二十一號，出永清界，凡逕境六十四里有奇。

又東過東安縣。

從永清入東安境，在治西南二十里。又東南流里許，逕胡家莊，爲南七汛二十二號。又一里，逕佟家莊，其二十三號也。又一里，逕惠家莊，爲二十四號。又三里，逕郭家場北，爲二十七號。又一里，爲二十八號。自一號至此，凡二十八里，接南八上汛界。按：南上八汛，永定河續志招圖屬南六汛。又東流一里，逕馬家場北，是爲南八上汛一號。又二里餘，逕辛莊子北，

其三號也。又三里，逕四鋪北，其六號也，本汛武清主簿治此。又三里，逕郎二壑北，爲九號。又里許，逕西壑北，爲十號。又二里，逕南泊北，爲十二號。又一里，逕南陶河北，爲十三號。又里許，逕西陶園北，爲十四號。水至此出東安東南界，凡逕境二十有一里。

又東過武清縣。

從東安入武清縣境，在治西南五十里，是爲南八上汛十五號。又東流一里，逕東陶園北，爲十六號。又一里，爲十七號。自一號至此，凡十七里三分，接南八下汛界。又九里餘，逕王二店北，其十號也。又一里，逕望敵樓北，爲十一號。又一里，逕倒鉤子北，爲十二號。又三里餘，逕三河晉北，爲十五號。又一里，逕小三河晉北，則十六號也。又里許，爲十八號。出武清東南界，水逕武清境二十一里有奇。其水之逕順天府境凡四百里，至此入天津縣境，合鳳河，又會大清河、子牙河、北運河，爲三汊河。又會南運河入海。

雲龍永定河尾流考：永定河東流出武清界，入天津境，自魚壩口而東，鳳河西北來，人之過此有鳳河名，無永定河名，然則鳳河尾流亦即永定河尾流也。又東南，逕韓家樹北，注曹家淀，水在鳳河東隄之西，葉淀之東南，南至韓家樹，北至雙口，長十五里，寬二三里不等，受永定河、鳳河之水，合大清河，又東南，逕西沽，俗曰西河，水經沽水注所謂沽河。又東南至漁陽雍奴縣，西入箭溝是也。雍奴今武清。漢雍奴縣屬漁陽郡，後魏爲郡始，故鄆注直云灤水東入漁陽，所在枝分。又云：箭溝，沽水別名也。方輿紀要云：三角淀東會於直沽港，一名箭溝水。一統志：西沽形如丁字，故又名丁字沽。其上，今總名淀河。畿輔唐志云：淀河在天津縣北，永定、子牙、清河之會流也。自河頭至丁字沽，入北運河，長四十里。畿輔安瀾志曰：沽河，即西沽，浮橋下之河。從前永定、子牙、清河三水會流。今子牙自爲一河，由天津縣北之紅橋下會北運河，而淀河則總會永定

河，仍歸於西沽，會北運水。一統志曰：南則衛河，受南路之水；北則白河，受北路之水；西則丁字沽，受三角淀之水；皆至城東北三汊口，合流東注，舊名小直沽，其東南十里曰大直沽，即通典所謂三會河口也。然則導永定河者，亦當視此，尾流之水，又東入海河，達於海。

鳳河源出南苑。

形如鳳，故名，其水出大興縣境。

南苑團河詳京師水道。在西紅門之東南，黃邨門之東北，東南流二十六里，出南苑東南隅，逕

閻家營東。又里許，逕堡上營西。又里許，逕石州營東。又里許，逕留民營西。又里

許，逕新七營西。又里許，逕沁心營西。又一里，逕趙縣營東。又一里，逕長子營西。

又里許，逕鄭家營東。又里許，逕北蒲州營東。又半里，逕潞城營西。又里餘，水出崔

家橋，又半里，逕申隄營西。又半里，水出北橋。又一里，逕周家營東，水出橋下。又

一里，逕采育營西，巡檢及都司駐此。水出大板橋，又半里，水出小板橋。又里餘，水

出南石橋。又半里，逕北沙窩營西。又半里，逕沙窩營東。又三里，逕蔡新莊西、在城

營東。又二里，逕包頭營東，水出小紅橋。又里餘，逕大、小皮匠營東。又二里，逕利

市營東。又東流三里，逕段家營北。又二里，水出紅橋。又四里，逕苑家口南，其水北

則鳳河營把總駐焉。又五里，出東南界。凡逕大興境，六十里有奇。

又東過東安縣北。